

BARREIROS

Anuncio

Conforme dispoñen os artigos 112 da Lei 7/85 de 2 de abril, e 169 do RD lexislativo 2/2004, polo que se aproba o Texto Refundido da Lei Reguladora das Facendas Locais, encontrase exposto ó público, a efectos de reclamacións, o Orzamento Xeral da Entidade para o exercicio 2015 aprobado inicialmente polo Pleno da Corporación en sesión celebrada o 19 de xaneiro de 2015.

Os interesados que estean lexitimados segundo o disposto no artigo 170.1 do RD lexislativo 2/2004, a que se fixo referencia, e polos motivos taxativamente numerados no artigo 170.2, poderán presentar reclamacións nos quince días hábiles a partir do seguinte á data de publicación deste anuncio no Boletín Oficial da Provincia.

Barreiros, 20 de xaneiro de 2015. O Alcalde. J. Alfonso Fuente Parga

R. 0245

Anuncio

Por Acordo Plenario de data de 24 de novembro de 2014, aprobouse inicialmente a **modificación da Ordenanza reguladora do Imposto de Bens Inmobilés** e, ó non terse presentado reclamacións durante o período de información pública, a aprobación provisional adquiere o carácter de DEFINITIVA, polo que, de conformidade co artigo 70.2 da Lei 7/85, de 2 de abril, Reguladora das Bases de Réxime Local, procedese á publicación do texto íntegro para a súa entrada en vigor:

"MODIFICACION DA ORDENANZA FISCAL REGULADORA DO IMPOSTO SOBRE BENS INMOBLES:

Artigo 2º:

4.- Exencións:

1.- Por razóns de economía e eficiencia na xestión recadatoria do tributo, quedarán exentos da tributación do imposto os recibos e liquidacións correspondentes a bens inmobles:

- a) URBANOS: nos que a súa cota líquida sexa inferior a SEIS euros.
- b) RÚSTICOS: no caso de que, para cada suxeito pasivo, a cota líquida correspondente á totalidade dos bens rústicos posuídos no termo municipal sexa inferior a SEIS euros.

2.- Quedarán exentos do pago deste imposto os bens inmobles destinados a centros sanitarios de titularidade pública, sempre que estean directamente afectados ao cumprimento dos fins específicos dos referidos centros."

Barreiros, 20 de xaneiro de 2015. O Alcalde. J. Alfonso Fuente Parga

R. 0246

Anuncio

Por Acordo Plenario de data de 24 de novembro de 2014, aprobouse inicialmente á **Ordenanza reguladora da taxa pola utilización ou reserva de espazos públicos e inmobles de uso público no concello de Barreiros** e, ó non terse presentado reclamacións durante o período de información pública, a aprobación provisional adquiere o carácter de DEFINITIVA, polo que, de conformidade co artigo 70.2 da Lei 7/85, de 2 de abril, Reguladora das Bases de Réxime Local, procedese á publicación do texto íntegro para a súa entrada en vigor:

"ORDENANZA REGULADORA DA TAXA POLA UTILIZACIÓN OU RESERVA DE ESPAZOS PÚBLICOS E INMÓBLES DE USO PÚBLICO NO CONCELLO DE BARREIROS.

Artigo 1. Fundamento e obxeto.

1. De conformidade co previsto nos artigos 133.2 e 142 da Constitución Española, 106 da Lei 7/1985 de Bases de Réxime Local e 20.1.a) do Real Decreto Lexislativo 2/2004 que refunde o texto da Lei de Facendas Locais, o Concello de Barreiros establece a taxa pola utilización ou reserva de espazos públicos e inmobles de uso público no Concello.

2. Será obxecto desta exacción a utilización ou reserva de canto espazo exista no termo municipal que sexa de titularidade pública ou afecto ó uso xeral e todos aqueles inmobles de utilización pública, sexan titularidade pública ou non, destinados ó uso xeral da cidadanía e afectos ó servizo público.

Artigo 2. Obrigados ó pago.

Están obrigados ao pago da presente taxa as persoas e entidades con ánimo de lucro que soliciten a utilización das instalacións, espazos ou inmobles e quenes as utilicen de forma privativa ou con aproveitamento especial aínda sen teren obtido a preceptiva autorización.

Artigo 3. Tarifas.

1. A cota tributaria da taxa estará constituida, segundo o tipo de uso, polas seguintes tarifas:

a) Para actos puntuais:

- Si non hai venda de entradas:

- 10 €/hora para as instalacións ou espazos con aforo inferior a 100 persoas.

- 20 €/hora para as instalacións ou espazos con aforo superior a 100 persoas.

- Si hai venda de entradas:

- 30 €/hora para as instalacións ou espazos con aforo inferior a 100 persoas.

- 60 €/hora para as instalacións ou espazos con aforo superior a 100 persoas.

b) Para cursos ou actos ou actividades que se desenvolvan durante un período reiterado de tempo:

- 15 €/día para as instalacións ou espazos con aforo inferior a 100 persoas.

- 30 €/día para as instalacións ou espazos con aforo superior a 100 persoas.

A utilización das instalacións fora do horario normal establecido para utilización das mesmas terá un incremento das tarifas indicadas do 20 por 100.

Artigo 4. Normas complementarias.

Os gastos de persoal discontinuo como taquilleiros, porteiros, electricistas, acomodadores, vixilantes, persoal de carga e descarga, montaxe e desmontaxe de esceario e calesquiera outros que se requirán en función da natureza do acto ou actividade, correrán por conta dos organizadores, sendo da súa exclusiva responsabilidade o cumprimiento das obrigas laborais, fiscais ou de outra índole que se deriven de tal relación laboral.

Non se autorizarán reservas ou utilizacións que puideran conllevar destrucción ou deterioro dos espazos públicos e inmobles de uso público, más aló do deterioro ordinario asumible pola normal utilización dos mesmos. De ter lugar, áinda de forma accidental, tal destrucción ou deterioro extraordinario, o beneficiario, sen perxuízo do pago da taxa, estará obrigado ó reintegro do coste total dos gastos de reconstrucción ou reparación. Se os danos fosen irreparables, o beneficiario estará obrigado a indemnizar ao Concello en contía igual ao valor dos bens destruidos ou ao importe do deterioro dos danados, segundo valoración realizada polos técnicos municipais.

O concello reservase o dereito, de denegar, de xeito motivado, a realización dalgunha actividade por considerar que a súa finalidade non é acorde cos principios legais ou morais que defenda a corporación.

A solicitude de utilización dun espazo público deberá realizarse cunha antelación mínima de tres días, acompañada da documentación que acredite o tipo de actividade a realizar e as demais circunstancias que permitan conceder ou denegar a autorización e liquidar estas taxas.

A realización de actividades de carácter non lucrativo ou as organizadas polo concello, sempre terán preferencia á hora de obter a autorización dun determinado espacio municipal.

No caso de que xurda algunha circunstancia que faga necesaria a cancelación dunha autorización xa concedida, o concello deberá notificarollo ó solicitante coa máxima antelación posible, indemnizando no seu caso polas perdas acreditadas que podan derivar desta cancelación.

Artigo 5. Obriga de pagamento.

1. A obriga de pago xurde coa concesión da utilización ou reserva dos espazos e inmobles a que se refiere esta Ordenanza.

2.- No caso de que a actividade autorizada non se puidera levar a cabo por causas de forza maior ou se realizase a súa cancelación por parte do concello, devolverase a contía abonada polo solicitante.

2. Non están obligadas ao pagamento de cantidade algunha as actividades ou actos de calquera índole, organizadas polo Concello de Barreiros ou por entidades e asociacións sen ánimo de lucro ou persoas físicas, sempre e cando as mesmas non busquen unha finalidade lucrativa, directa ou indirecta, ou expectativas de carácter económico. O concello poderá declarar de forma motivada, unha actividade, en principio lucrativa, como de interese xeral, polos valores ou a utilidade xeral que a mesma poda ter para os veciños/as do municipio.

Artigo 6. Normas de xestión.

1. A xestión e recadación desta taxa corresponderá ao Concello de Barreiros.

2. Coa resolución de concesión notificárase a liquidación que corresponda que deberá ser ingresada polo interesado na conta municipal que se lle indique, antes da realización da actividade. Nos casos en que poda proceder o reintegro da contía, ésta deberá ser solicitada polo interesado indicando as causas que a motivan, agas que a devolución veña derivada dunha cancelación por parte do concello, que na mesma resolución acordará a devolución o importe abonado.

3. A resolución da Alcaldía sobre a procedencia ou improcedencia de conceder as autorizacións para a utilización dos espazos, será notificada aos interesados e aos servizos encargados da súa execución. Si o concello non emite resolución en prazo a autorización considerarase desestimada en todo caso.

Disposición derradeira. Entrada en vigor e comezo de aplicación da ordenanza.

A presente ordenanza entrará en vigor unha vez se publique o seu texto de forma integra no BOP de Lugo e transcorra o prazo regulamentario ó que se refire o artigo 70 da Lei de bases de réxime local."

Barreiros, 20 de xaneiro de 2015. O Alcalde. J. Alfonso Fuente Parga

R. 0247

Anuncio

Por Acordo Plenario de data de 24 de novembro de 2014, aprobouse inicialmente ó **Regulamento sobre exclusión da obriga de presentar factura electrónica naquelhas facturas inferiores a 5.000 €** e, ó non terse presentado reclamacións durante o período de información pública, a aprobación provisional adquiere o carácter de DEFINITIVA, polo que, de conformidade co artigo 70.2 da Lei 7/85, de 2 de abril, Reguladora das Bases de Réxime Local, procedese á publicación do texto íntegro para a súa entrada en vigor:

"REGULAMENTO SOBRE EXCLUSIÓN DE OBLIGACIÓN DE PRESENTAR FACTURA ELECTRÓNICA NAQUELAS FACTURAS INFERIORES A 5.000 €.

Artigo único.-

Facendo uso do previsto no artigo 4 da Lei 25/2013, de 27 de decembro, de Impulso da Factura Electrónica e Creación do Rexistro Contable de Facturas no Sector Público, este concello exclúe a obriga de facturación electrónica ós proveedores cuxas facturas non excedan dun importe total de 5.000 €.

DISPOSICIÓN FINAL:

A presente ordenanza entrará en vigor o 1 de xaneiro de 2015, unha vez se publique o seu texto de forma integra no BOP de Lugo e transcorra o prazo regulamentario ó que se refire o artigo 70 da Lei de bases de réxime local."

Barreiros, 20 de xaneiro de 2015. O Alcalde. J. Alfonso Fuente Parga

R. 0248

Anuncio

Por Acordo Plenario de data de 24 de novembro de 2014, aprobouse inicialmente á **Ordenanza do servizo de saneamento e depuración de augas residuais do concello de Barreiros** e, ó non terse presentado reclamacións durante o período de información pública, a aprobación provisional adquiere o carácter de DEFINITIVA, polo que, de conformidade co artigo 70.2 da Lei 7/85, de 2 de abril, Reguladora das Bases de Réxime Local, procedese á publicación do texto íntegro para a súa entrada en vigor:

"ORDENANZA DO SERVIZO DE SANEAMENTO E DEPURACIÓN DE AUGAS RESIDUAIS DO CONCELLO DE BARREIROS.

INDICE

PREÁMBULO

CAPÍTULO I.- DISPOSICIÓN XERAIS

Artigo 1.- Obxecto.

Artigo 2.- Finalidades.

Artigo 3.- Infraestruturas e instalacions do Servizo Municipal de Saneamento.

Artigo 4.- Definicions.

Artigo 5.- Ambito de aplicacion.

Artigo 6.- Explotacion das instalacions do Servizo Municipal de Saneamento. Entidade xestora.

Artigo 7.- Relativo as normas de construcion e urbanísticas.

CAPÍTULO II.- DEBERES DOS USUARIOS DA REDE DE SANEAMENTO MUNICIPAL